



## 傷心个猴阿姆

一隻目珠紅紅个猴叔姆坐到樹頭下，另一隻面紅紅个猴伯姆對樹頂高跳下來問佢講：

「做猴仔毋跋樹，成麼个猴？」

「唉，心肝痛啊！」

「啊！算來仰般呢？」

「吾猴俵仔講佢無惜佢。」

「仰會呢！麼濟會比妳更惜佢？」

「佢陪佢寫宿題，無分佢珍老弟看電視，佢就講佢偏心。」

「佢正讀一年生，還毋慣啦。」

「佢還講，厥老弟噉眇，佢就會帶佢出去寮，佢噉眇，還喊佢愛遽遽去學校讀書。」

「頭一擺出圃个細人仔確實愛教，毋好忒縱，老古句講：『惜骨莫惜皮』，佢慢慢會知阿姆个苦心啦！」

「佢還講佢係石頭暴个，毋係佢降个！天公伯啊，手盤手背都係肉，佢恁惜佢，降到恁辛苦，仰做得恁樣講呢？」

「麼濟教佢个？」

「聽講係書本寫个！今个先生仰會恁屙巴呢？妳看，就係這本書啦！佢又毋識字，妳摻佢掃看書上講麼个好無？仰會恁孤盲，教壞人家个大細呢？」

「佢乜無讀書啊！慁來去問猴大王。」

兩儕就一路咚(dungˋ)咚(dungˊ)咚(dungˋ)咚(dungˋ)緊打嘴鼓，毋多知仔就蹶上大石壁，再跋上盡高个油桐樹，屎脰紅紅个猴大王坐在樹尾捉蝨嫲，一隻貓頭鳥在樹尾睡目，還有幾隻細猴哥細猴姊，在樹尾跳來跳去吊晃槓仔。

「盡聰明个猴大王啊，這本書教壞吾俵仔，講麼个吾俵仔係石頭暴个，係正經恁樣寫無？」

「喔？拿來佢看。」猴大王在油桐樹梗上坐好，拿起書一看。

「哈哈哈哈哈，還生趣喔.....」猴大王笑到險險跌落樹下。

「大王！大王！你个頭腦怕壞忒咧，算來係哪無正常，人家恁傷心，你仰會笑到恁大聲？」

「細猴子，你兜過來看。」該兜細猴哥、細猴姊就做盡圍過來相爭看該本書。

「哈哈哈哈哈，西遊記還生趣喔，這書上寫講，齊天大聖孫猴仔大王係石頭暴个。這係神話故事啊，毋係正經个啦。」細猴哥細猴姊有讀過書，識字。

「啊！還猴喔，該毋就係佢誤會也，吾猴俵仔乜戇戇佬著係正經个，該佢愛仰般教佢呢？」

大家講話恁大聲，吵醒樹尾个貓頭鳥，貓頭鳥係盡有智慧个老人家，佢扶一下目鏡就講：

「做人爺哀正經無恁該，半大細年紀个細人仔屎脰頭還青青，話佢知又話毋知，『惜佢話著愛打佢，噉佢話著愛咬佢』。佢正同先生交代，愛講分明。放心啦。細猴子算來當乖、慢慢就會知人我啦。」

「好！恁仔細喔！」本來目珠紅紅个猴叔姆聽著，就放心轉去也。

作者：張捷明

### ☆詞彙學習☆

【宿題】xiugˋ tiˋ：家庭作業。

【知人我】diˊ nginˋ ngoˊ：知道人我分際，亦即長大了。